



**ATA OFISIAL DI INKONTRU  
REUNION DI KUMITE SKULAR DI BOSTON**

**(kuarta-fera, 12 di Otubru di 2022)**

Kumité skular di Boston rializa um riunion rimota dia kuarta-fera, 12 di Otubru di 2022 ,17 ora na Zoom. Pa mais informason sobri kualker un di kes itens listadus dibaixu,vizita [www.bostonpublicschools.org/schoolcommittee](http://www.bostonpublicschools.org/schoolcommittee), e-mail [feedback@bostonpublicschools.org](mailto:feedback@bostonpublicschools.org) ô tilifona pa o skritóriu di Kumité skular di Boston pa (617) 635-9014.

### FREKUENSIA

Membrus di kumité skular Presentis: Prizidenti Jeri Robinson; Visi-Prizidenti Michael D. O'Neill; Dr. Stephen Alkins; Brandon Cardet-Hernandez; Lorena Lopera; Rafaela Polanco Garcia; Quoc Tran; y riprizenanti Studantil Diego Meta.

Menbru di Kumité Skular Auzenti: Ninhun.

### DUKUMENTUS APREZENTADUS

#### Ajenda

Ata di Riunion: 28 setenbru di 2022

Subsidius pa apruvason na um total di \$4,436,092

Nota: Rezultadus 2022 MCAS

Diklarason di Inpaktu sobri Ikuidadi MCAS 2022

2022 Aprezentason di rezultadus di avaliason di stadu

Nota: Office of Multilingual and Multicultural Education (OMME) Strategic Plan

Diklarason di Inpaktu sobri Ikuidadi Planu Stratéjiku OMME

Aprezentason di Planu Stratéjiku OMME

(kuarta-fera, 12 di Otubru di 2022)

## PIDIDU DI ORDI

Prizidenti Jeri Robinson konvoka un riunion y el lidera un juramentu di lieldadi A Sra. Sullivan Txoma psal. Tudu kes membrus staba prizenti.

Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. També ta ser publikadu na [bostonpublicschools.org/schoolcommittee](http://bostonpublicschools.org/schoolcommittee) e na YouTube. E anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunes, Mandarim, Arabi Língua Jestual Amerikanu (ASL); intérpretis ta aprezena es mesmu y es da instruson na se língua maternu sobri modi asedi interpretason simultaniu atraves di mudansa na kanal Zoom. Dukumentus traduzidus di reunion sta postadu na [www.bostonpublicschools.org/schoolcommittee](http://www.bostonpublicschools.org/schoolcommittee) antis di inisio di riunion.

Prezidenti Robinson stendi apoiu di Kumité a antigu menbru di Kumité Skular y pioneru di direitus sivil di Boston, Jean McGuire, ki foi brutalmenti atakadu ikuantu e staba ta pasia se katxor na Franklin Park. Dr. McGuire foi primeru mudjer negra ileita pa Kumité Skular di Boston. E foi diretora izekutiva di METCO duranti mas di 40 anu. Dr. McGuire e dedika se vida a idukason y a direitus sivil, ta inspira jerasons di bostonianus a luta pa ikuidadi na idukason. Sra. Robinson dezeja a Dr. McGuire um rekuperason tutal y rápidu. E apela pa ki kumunidadi trabadja em konjuntu pa kaba ku violensia sen sentidu. E agradezi a Superitendenti Skipper pa fazi di seguransa um prioridadi másimu y pa adota um abordajen a munti nível a kel keston kompleksu li.

## APROVASOM DI ATA DI RIUNION

*KonferidU* - pa chamada nominal, kumité aprova pa unanimidadi ata di riunion di kuarta-fera, 28 di Setenbru di 2022.

## RELATÓRIU Di SUPERINTENDENTI

*Sima preparadu pa intrega.*

Obrigadu, Madame Chair. Nkre kumesa pa rekunhesi ki ultimus semanas tem sidu difisil pa nos kumunidadi. Nta fazi eku di senimetus di Prezidenti Robinson sobri artigu menbru di Kumité Skular Jean McGuire. Nu sta tudu ta pensa le y ta dezejal um rápidu rekuperason. Ta intrestisem profundamenti a perda di um di nos alunus, ki foi vítima di um atu insensatu di violensia armadu duranti fim-di-semana. Nu ka sta ta nomeia alunu pur respetu a famíla. Pur favor, djunta a mi na um mumentu di silensiu pa kel perda li.

Nsta txeu priokupadu ku aumentu di atus di violensia na y pertu di alguns di nos skolas. Nkre pa nhos sabi ki nos ikipa tem stadu na terenu a presta apoiu txeu nesésarius a kumunidadis skular ki foi atinjidus. Seguransa skular e nha prinsipal prioridadi na entra na superitendencia, tal komu foi na nha superitendencia na Somerville y sima foi pa mi komu direktor y superitendenti di redi di

**Reunion rimotu di kumite Skular di Boston  
Zoom**

*(kuarta-fera, 12 di Otubru di 2022)*

skolas sekundárius. Seguransa skular e um sforsu di ikipa. Nu debi kontinua ta kulabora y kordena internamenti sima um distritu y ku pulisia di Boston y otus ajensias ku bazi na sidadi. Nu sabi ma munti bes kuze ki sta ta kontisi na bairu y na kumunidadei ou na meius di komunikason susial e trazedu pa nos skolas. E fundamental ki nu trabadja komu um Sidadera interu pa apoia nos jovens y nu ta spesa, komu ikipa, trabadja ku nos parserus di Sidadi pa garanti ki nos skolas ta ser lugaris segurus, prenxidus pa sons di ensinu y aprendizajen.

Nkre tanbe pa nhos sabi ki komunikason abertu y transparentu ku nos famílias e inkrivelmentu inpurtanti pa mi y pa tudu nha ikipa. Kumunikason ku nos famílias duranti um problema em tenpu rial e spesialmentu inpurtanti, y nsabi ki na semana pasadu keli ka kontisi rapidu sima podia y dibia ter akontesidu na um determinadu kazu y nu ta pidi diskulpa a kumunidadei Burke pa kel atrazu li. E senpri nos prinsipal prioridadei garanti ki nos alunus e apoiadus y kuidadus na terenu duranti um imerjensia y ki nu rekolhi fatu sobri kuze ki kontisi. Simultaniamentu, nu debi fazi senpri txiga um mensajen pa famílias, mas rapidamentu pusivel. Nu sta ta reve nos sistemas internus pa garanti ki ta izisti um janela mas kurtu pusivel pa trata di tudu insidentis di imerjensia.

Na sekuensia di insidenti na Burke semana pasadu, nu poi imediatamentu em ason um revizon di nos fluksus di trabadju di komunikason y nu sklaresi papel duranti imerjensias, pa garanti ki tudu ta fika sklaresidus sobri ses papel relasionadus ku komunikason. Nu uza nos ikipa di resposta a krizi, ki ta inklui nos asistenti susial distrital duranti insidenti di Burke. Djes stebi na lugar y ta kontinuaba ta sta senpri ki nesesáriu. Nu stabelesi parserias ku ajensias sima Project Right, Boston Public Health Commissions' Trauma Teams y Mayor's Office of Public Safety. Nu ta trabadja pa presta um apoiu kontinu através di kes parserus internus y sternus. Kes apoius li e furnesidus tantu a pesual komu a alunus. Kes parserus li ta djudanu a diskonpakta kuze ki kontisi y a manti spasu pa konversas ki ta permiti um prusesamentu y a um konprenson mas grandi. Nos novus novi postus di trabadju susial distrital tem sidu tremendamentu util na prestason y implementason di resposta a trauma.

Nu kre sertifikas di ki nos famílias sabi ki tem asesu diretu a prugrama di bullying dispunível através di SUCCEED Boston. Nos linha diretu tem pesual formadu dispunível pa oferesi rekursus nesesáriu pa apoia ses pedidus y inkéritus resebidus. Famílias y alunus podi senpri denuncia bullying a ses skolas, ma tanbe podi kontakta nos linha diretu na numeru 617-635-8873. Nu sta tanbe ta iziji ki tudu skolas identifika dos membrus di pesual ki ta bem sirbi komu spesialistas na intervencion di bullying. Ta bem ser trenadus pa intendi kuze ki e bullying, bem komu pa relata protokolus y investigasons y ta bem trabadja em kulaburason streitu ku Líder di Skola pa garanti kunprimentu di pulitikas di BPS. Nu sa konsentra na ser intensional em relason a nos prátikas, prusedimentus y protokolus.

Ter kes apoius li na lugar ta djuda distritu y kumunidadei a respondi a nesesidadis di tudu kriansa. Kes inpurtantis konponentis li, bem estar akadémiku, susial, imusional y fíziku, ta konstitui "Whole Child." Mison di "Whole Child" e algu ki nunca ka ta bem dezaparesi. E um mison ki nu fazi prioridadei mesmu antis di pandemia, duranti pandemia, y nu tem di garanti di ki nu tem rekursus nesesáriu pa apoia nos alunus. Nos trabadju kontinu a nível susial y imusional ta bem ser txeu inpurtanti. Rializason di kel trabadju li ta djudadnu a konstrui relasons autentikus ku nos alunus y famílias. Pur ultimu, nu sta inpenhadus na fazi es trabadju. Nsabi ma nada di keli e normal y ki nunca debia ser normal perdi um jovem pa violensia ou tem um jovem feridu. N'sta

**Reunion rimotu di kumite Skular di Boston  
Zoom**

***(kuarta-fera, 12 di Outubru di 2022)***

ansiozu pa trabadja ku nhos y ku kumunidade mas grandi pa respondi, pamo ta bem ser nesesáriu ki tudu nos nu trabadja através di trauma grandi ki nu ta oia komu prudutu di multiplus pandemias na nos sidadi.

N'sta ta muda um poku di velosidade pa nos trabadju akadémiku. STEM WEEK, tem lugar na semana di 17 di Outurbo. Skolas Publiku di Boston ta trabadja pa proporsiona oportunitadís STEM/STEAM alegris, asesivel y ikitativus pa ki tudu alunus torna ajentis di se aprendizajen, ta preparas pa ser kulturalmenti ajil y adapta a mundu em konstanti mudansa ki ta rodial. Tem um konjuntu di atividadis y iventus ki ta bem djuda a involvi alunus, idukadoris y famílias na tudu munit rejions di distritu. Ta bem tem um Career College Access y STEM na Roxbury Community College na dia 22 di Outubru di 22.

Foi nha onra y priviléjiu sta a dispuzison pa korti di fita di Boston Arts Academy. Des di sons kuletivus di konjuntu ti nos própi reprezentanti studantil Diego Mehta a fazi korti di fita di montajen, foi um prova di ki nu podi dar a nos alunus anbientis di aprendizajen di kualidade undi es podi prospera y ter susesu. Kel novu idifisiu li ta fala a investimentu di Sidadi na proporsiona a tudu nos alunus y famílias ku spasus ki ta kultiva aprendizajen y exselensia akadémiku. Na nos prósimu runion nu ta bem furnesi um atualizason mas substansial sobri Green New Deal

Nre furnesi um atualizason sobri manera ki nu sta ta safa na transporti Nkre agradezi Del Stanislaus y a se ikipa pa tudu se trabadju duru na identifikason di falhas na pesual y na trabadju di sulusons ku munti skolas. Ti mumentu, na Outubru, transporti sta ta atinji um média di 88% di xegadas pontual di autokaru pa di sedu y 85% di xegadas pontual di autokaru pa tardi. Ikipa sa kontinua ta trabadja pa midjor kubertura. Des di inisiu di Outubru, mas di 99,7% di viajens regularis di autokaru di sedu y mas di 99,9% di vaijens regularis di autokaru di tardi foi kubertus ku um kubertura. Nu intantu, kualker numeru di autokarus atrazadus ou nau kubertu nunca e aseitavel y nu ta bem kontinua a trabadja ti nu ka tem ninhum. Nkre rekunhesi ki nu sta ta avansa na direson sertu y Transdev sa kontinua ta konsentra ku nos na kontratason y furmason di muturistas pa ilimina tudu viajens nau kubertus.

Pesual di muniturizason di autokarus sa kontinua ta ser um dezafiu mas grandi. Sidadi sta ta trabadja pa finda um akordu ku sindikatu di munitoris di autokarus, ki nu ta akredita inklui mudansa fundametal ki ta bem fasilita rekrutamentu y manutenson pa kargu.

Absentismu Kroniku na tudu distritu e atualmenti di 28%. Na kontekstu, taxa di absentismu króniku distrital tem sidu tipikamenti di ordem di 24-26%, enbora aumenta durante COVID, inkluidu 42% di absentismu króniku durante anu interu letivu na SY21-22. Absentismu Kroniku e difinidu komu faltandu 10% ou mas di dias letivus, pur issu, um bes ki alunu ta atinji 18 auzensias durante um anu letivu konpletu, e ta bem ser kronikamenti auzenti.

Kel slide li ta apresenta taxas di absentismu króniku di ultimus kuartu anos, dezagregadus pa grandis grupus di alunus. Ku dekurer di anu, nusa oia absentismu mas elevadu, ku taxas ta aumenta partikularmenti na final di anu. Absentismu Kroniku e um indikador txabi ki distritu ta akonpanha au longu di anu, pamo nu sabi ki absentismu króniku ta aumenta prubabilidadadi di alunus sai di ensinu báziku y médiu, y aumenta prubabilidadadi di dizisti di ensinu sekundáriu.

*(kuarta-fera, 12 di Otubru di 2022)*

Reduson di absentismu króniku e um inpurtanti foku di trabadju a nível skular pa garanti ki tudu nos alunus sta na skola di forma konsistenti y tem tudu oportunitadís di susesu. Kada skola tem um objetivu di reduzi absentismu króniku inkorporadu na se Planu Skular di Kualidadi (QSP) Atualmenti, sforsus di Departmentu di Opportunity Youth pa aborda absentismu króniku ta inklui um infoki dedikadu a skolas di transfurmason y a skolas ku taxas di frekuensia inferior a 80%. Supervizoris di frekuensia (SOAs) e organizadus pur rejion pa integra plenamenti na skolas y apoia diretamenti skolas, ta trabadja ku superitendentis skularis rejional pa apoia QSP.

Sforsus podi varia des di priorizason di um avaliason baziadu na nesesidadis ki fatoris na dadus pa susesu skular y na kultura y klima skular, difinison di objetivus y stratéjias através di planus di susesu studentil, y utilizason di stratéjias di apoia studentil pa djuda a ultrapasa bareras a aprendizajen konsistenti, inkluindu pais komu parseirus na aprendizajen di bus fidjus, ou konsiderandu planu di skola pa sforsus di bem-estar txomadu Planu di Ason di Ben Estar. BPS sta tanbe a konsedi mas di 30 Mini-Grants di frekuensia a skolas ki ta uza finansiamentu federal di Imerjensia di Ensinu Báziku y Sekundáriu (ESSER). Komu parti di pididu di subsidiu, skolas debi prezenta um planu pa aborda absentismu króniku entri grupus di alunus prioritáriu, selesionandu au mesmu tenpu di entri um konjuntu di instrumentus y rekursus distrital stabelesidus. Alem di keli, BPS reve se pulitika di asiduidadi pa afasta di práttikas punitivas pa rezolvi absentismu. Foku sta gosi na konstruson di relasons studentil y familiar, ta tra bareras y ta reduzi absentismu króniku komu um meu pa rialmenti involvi alunus na se idukason, komu membrus valiozus di kumunidade skular. Nu tem um kumunidade linguistikamenti diversifikadu na Boston y e tenpu di nu kria mas oportunitadís pa nos alunus bira prufisientis na dos ou mas línguas ku finalidadi di pruspera y konpiti glubalmenti.

Aumenta asesu a multiplus línguas e um sforsu ki nu ta bem fumenta y na kel ki nu ta bem invisti komu distritu. Nos konvikson e ki alunus multilingis meresi tem asesu a um idukason bilingi y apoia linguistiku nativu, u ki sopodi benefisia ses akizison di língua ingles - y nos distritu komu um todú. Relativamenti a nos Gabinete di Idukason Multilingi y Multikultural (OMME), bu ta bem oia es noti um planu ki foi infurmadu pa um rubustu prusesu konduzidu pa kumunidade. N'ta gostaba de agradesi a tudu grupus di trabadju, tem tantu pa numeia kin ta spera panhas tudu, ma pa numeia alguns, Konsehu Konsultivu Distrital di Aprendizajen di Ingles, Konsehu Konsultivu di Pais di Edukason Spesial, Konsehu Konsultivu di Involvimentu Kumunitáriu, Grupu di Trabadju di aprendis di Inglés ku difisiensia - y nos fasilitadoris di Ikipa di Avaliason di Línguas di skola y otus ki informa kel planu li.

Kel planu li e um novu kaminhu pa distritu y nu ta oia trabadju komu um linha di pasajen entri departamentus. Nu tem munti departamentu ki e tanbe responsável pa aseguara ki vizon di idukason bilingi seja inplementadu pa ki famílas y alunus tem opsons di prugramas ki ta liga a ses língua, patrimóniu y kulturás. Nu kumesa kel prusesu li na anu pasadu y nu konsentra stratéjikamenti na reestruturason di antigu Office of English Learners y na konstruson di kapasidadi y di infra-struturas di gabinete na mudansa pa um idukason bilingi mas grandi komu foku prinsipal. Sima nhos sabi, Task force di English Language Learnersem um subkonjuntu di Kumité Skular di Boston, nu resebi nhos feedback y nu ta rekunhesi kuletivamenti nesesidadi di fazi mudansa sistémikus signifíkativus na sentidu di plena rializason y inplementason di kel planu stratéjiku li. Pa nos alunus multilingi ku difisiensia, Prioridadi stratéjiku 2 diliniadu na planu e um responsabilidadi konjuntu ku Office of Multilingual y Multicultural Education.

**Reunion rimotu di kumite Skular di Boston  
Zoom**

*(kuarta-fera, 12 di Outubru di 2022)*

Komu superintendenti, nta bem da prioridadi a kel trabadju kritiku li y nu ta bem partilha mas atualizasons sobri mesmu a midida ki planu ba ta ser implementadu.

Inkuantu nu ta spera ansiozamenti épuka di Eskolha di Skola, nta gostaba di furnesi um atualizason sobri Kuadru di kualidadi skular di distritu. Nível di kualidadi skular (SQF) e normalmenti atualizadus na final di Outubru. Infurmason di nível, ki ta bazia na dadus di dos anus na sinku dumínus, ta konduzi lista di skolas dispunível pa famílias komu parti di Planu di atribuison ku bazi na kaza. Um bes stabelesidus níveis, famílias ta oia ses listas na [www.discoverBPS.org](http://www.discoverBPS.org) antis di splora skolas através di School Preview Time y di Showcase of Schools na sidadi interu, ki tem inisiu na Nuvenbru.

Pamo pandimia y a dispunibilidadi di dadus, níveis SQF di 2019 permanesi em vigor. Nau só dadus sima pontuasons MCAS y absentismu króniku e afetadus pa pandimia, mas tanbe otus mididas sima inkéritus sobri klima a alunus, profesorís y pais ta refleto inpaktus injustus di pandimia. Purtantu, ka ta binha ser apropiadu pa nos nu klarifika skolas ku bazi na kes dadus li.

Alem di keli, es anu, Stadu tanbe ka sta ta pruduzi determinasons di responsabilizason skular. Ku kel infurmason li em mon, grupu di trabadju internu konpostu pa reprezentantis di Office of Data and Accountability, Family and Community Advancement, Welcome Services, Planning and Analysis, y di Office of Technology konsidera opsons dispunível pa kel Outonu li y rekomenda grupu di trabadju di kualidadi skular di 2019 SQF Tiers ki manti em vigor pa mas di um anu. Kel grupu li, Ko-prezididu pa Dr.Hardin Coleman y Marinelle Rousmaniere, apoia rekomendason. Ta speradu ki DESE pruduzi otu bes determinasons di responsabilizasons na 2023, tratandu 2022 komu um novu linha di bazi. Ku keli em menti, nu ta spera podi kalkula novus nível di kualidadi skular na 2023.

Alem di keli, Grupu di trabadju di kualidadi skular ta bem pasa es anu a konsidera um konjuntu di métrikas alternativas, pa ivita mas atrazus, kazu distritu odja se kabesa otu bes nes situason difisil, relasionadu ou nau ku pandimia. Nu ta bem kontinua ta trabadja ku nos skolas na prósimum mudansas ou anunsius relasionadus ku kel keston li. Nu submeti nos terseru konjuntu di prudutus a DESE na dia 3 di Outubru. keli ta inklui planu di manutenson preventivu di idifisius skularis di distritu, planus skular di kualidadi pa skolas di transfurmason y lansamentu di grupu di trabadju di dadus.

Mas tardi nes noti, bu ta bem obi um apresentason di Office of Multilingual and Multicultural di Planu stratéjiku pa alunus multilingis. Kel planu li ta refleto feedback obidu di munti intervinientis desdi ki prujetu inisial foi divulgadu na Agostu. Nu ta bem kontinua ta atualiza kumunidadi di BPS na nos site na [bostonpublicschools.org/strategicprogress](http://bostonpublicschools.org/strategicprogress).

Na termina, ta spera partilha mas atualizasons nu ke dis respetu a pesual, inskrisons Green New Deal, y apoia a alunus na nos prósimum runions. Keli e rilatóriu di nha superintendente pa és noti.

---

Menbrus di kumité apresenta pezames a alunu di BPS ki perdi se vida pamo violensia armadu na inisiu des semana, y es stendi ses apoia a Jean McGuire.

Dr. Alkins pergunta si BPS sta ta trabada ku grupus kumunitáriu pa konbati violensia. Superintendenti sublinha ki kulaburaason y diálugu entri ajensias e fundamental. E deskrebi papel

**Reunion rimotu di kumite Skular di Boston  
Zoom**

*(kuarta-fera, 12 di Otubru di 2022)*

vital dizenpenhadu pa kumunidade baziadu na fé, organizasons sem fins lukrativus, organizasons baziadus na kumunidade. Dr. Alkins pidi dadus sobri numeru di alunus kronikamenti auzentis ki sta involvidus na prugramas di reenpregu y idukason alternativu. Superitendenti fla ma BPS sta na prusesu di rekonstruson di se prugramason di riengajamentu, y konprumeti a ter pesual ta konpanha infurmason.

Mr. Cardet-Hernandez pergunta ki alavankas Superitendenti sta ta uza pa midjora seguransa skular y aumenta responsabilizason. Superitendenti Skipper fla ma alunus debi xinti seguros tantu fizikamenti komu psikulójikamenti. E fla me sta ansioza pa resebi prósimu relatóriu sobri seguransa skular di Konsejhu di Great City Schools y pa reve ses rekumendason.

Sra. Lopera pidi tendensias sobri absentismu króniku pur nível di klasifikason. E pergunta ki apoiu e dadu a skolas ki sa kandidata a Mini-subsidius di frekuensia. Diretor Sénior di Opportunity Youth Brian Marques fla ma staff di distritu ta bem furnesi skolas ku asistensia téknika pa kandidata a kes bolsas. E oferesi pa fazi um izersisiu di pasadera pa garanti ki skolas ku altu numeru di absentismu ta kandidata a bolsas.

Sr. Mehta pidi numeru médiu di auzensias di alunus. Superitendenti fla ma numéru médiu di auzensias di alunus ki sta kronikamenti auzentis e di 20 dias. E observa ki Stadu ka ta klasifika auzensias komu deskulpadas ou nau deskulpadas. E oferesi pa rekolhi y partilha ku Kumité dadus di prezensas em termus di deskulpas y nau deskulpas pa um futuru apresentason.

Sra. Polanco Garcia nota numeru disproporsionadamenti mas altu di faltas entri alunus ku difisiensias y e pergunta modi ki BPS sta ta apoias. Superitendenti fla ma el y se ikipa ta bem inklui um análizi di keston na um prósimu relatóriu kompletu. Dr. Lauren Viviani, Asistenti Interina di Superitendenti di Idukason Spesial, furnesi izenplus di modi ki BPS ta trabadja di pertu ku alunus ki falta skolas pa presta servisus di idukason spesial.

Sr. O'Neill fazi eku a kumentáriu di Superitendenti Skipper di ki skolas debi ser sparus mas seguros pa alunus, ta akresenta ki kumunidade interu tem responsabilidadi di fazi se parti. E sita midoris práttikas na Filadélfia y Los Angeles, respetivamente, undi distritus skularis sta ta manda kartas di "insentivu" pa famílias di alunus kronikamneti auzentis y a uza ikipas Breakthrough pa infrenta dizafius persistentis, sima absentismu króniku.

Sra. Robinson pergunta modi ki BPS sa ta djuda famílias a intendi inpurtansia di um frekuensia skular konsistenti. Sr. Marques fla ma BPS sta ta uza kartas di "insentivu" y ta uza rekursus intensionalmenti. Xefi di Apoiu a Alunu Jillian Kelton fla ma BPS sta ta tenta fumenta y reforsa relasons entri nos skolas y nos famílias. E enfatiza inpurtansia di komunikason na kes do sentidu entri famílas y lideris skularis y distrital.

Dr. Alkins pergunta modi ki ta bem ser avaliadus prupostas di mini-subsidius di prezensa. Sr. Marques splika ki kumité konsultivu di asistensia sta ta uza um rubrika di pontuason. E fla ma prusesu di kandidatura foi fetu pa pruporsiona a skolas ku maiores nesesidadis um vantajen signifikativu. Alem di kel, BPS sta ta oferesi asistensia tékniku y workshops di redason di subsidiu.

**Reunion rimotu di kumite Skular di Boston  
Zoom**

*(kuarta-fera, 12 di Otubru di 2022)*

Sr. Cardet-Hernandez Sujiri ki, komu parti di prusesu di xkolha di skola, BPS podia partilha medidas extra di kualidadi di skular, sima rotason di pesual a nivel di skola. Xefi di Famíla y avansu kumunitáriu Denise Snyder splika rasiusiniu di distritu pa manti nivel SQF di 2019 em vigor pa mas um anu, y e fla ke ta bem splora inkorporason di se sujeston a feramenta di piskiza skular [DiscoverBPS](#)

Sra. Lopera pidi mas infurmasons sobri sistema di rezuluson di problemas. Superitendenti splika ki Planu di Melhoria Sistematiku (SIP) ta iziji kriason di um Ikipa di resposta tantu di linha di ajuda komu di Sistema di Rezuluson di Problemas (PRS) pa supervizona resposta di distritu a kexas y rastrias em konfurmidadi.

Sr. Cardet-Hernandez pidi dadus di inskrison pa SY 2022-23, bem komu rezultadus di SIP. Superitendenti fla me ta bem furnesi a Kumité Skular um atualizason di matrikulas na prósimu runion. Xefi di skolas y responsabilizason Drew Echelson fla ma rezultadus e partilhadus ku Kumité antis di ser mandadu pa Stadu y publikadus na [bostonpublicschools.org/strategicprogress](http://bostonpublicschools.org/strategicprogress). Sr. Cardet-Hernandez pidi um ESSER Diretor Finanseru Nate Kuder konkorda na da sigimentu a um relatóriu kompletu di ESSER na final des anu, bem komu um instantaniu di altu nivel a partilha na um futur prósimu.

Staff sklaresi pa Sr. Mehta prusesu di distritu pa denuncia y da resposta a kazu di bullying.

**Aprovadu-** na xamada nominal, Kumite unanimamenti aprova Rilatóriu di Supertendenti.

## KUMENTÁRIU DI PUBLIKU EN JERAL

Sigintis alguen tistimunha en apoiu a Higher Ground Boston:

- Maria Vargas, rezidenti na Roxbury y mai di, Ellis Elementary School
- Brandy Brooks, rezidenti na Roxbury, visi-diretor di High Ground Boston
- Marissa Lehrman, rezidenti na Somerville, menbru di Families First
- Lashaunda Watson, rezidenti na Roxbury, menbru di High Ground Boston
- Mariana Botier, rezidenti na Allston, menbru di High Ground Boston
- Shavonne Herrington, rezidenti na Mattapan, mai na BPS. y menbru di Higher Ground's Surround Care Coalition. E senpre tanbe priokupason sobri alguns rota di autokarus ka tem munitoris pa djuda alonus ku nesidadis spesial

Sigintis algen tistimunha ku priokupasons relativamenti a fuzon prupostu entri skolas primáriu Sumner y Philbrick:

- Rachel Young, rezidenti na Roslindale mai di Sumner Elementary School
- Lauren Peter, rezidenti na Roslindale mai di Sumner Elementary School
- Allison Friedmann, rezidenti na Roslindale mai di Sumner Elementary School

Sigintis algem tistimunha a favor di adison di protokolus di saudi y seguransa mas fortis di COVID:

- Nancy Lessin, rezidenti na Jamaica, y menbru di famílias BPS pa seguransa di COVID (FamCOSa)



**Reunion rimotu di kumite Skular di Boston  
Zoom**

*(kuarta-fera, 12 di Otubru di 2022)*

- Cheryl Buckman. rezidenti na South Boston y menbru di BPS FamCOSa

Suzanne Lee, rezidenti na Chinatown, y ko.prezidenti di Task force di English Language Learners, tistimunha em apoiu a planu stratéjiku di OMME.

John Mudd, residenti y difensor na Cambridge, tistimunha a respetu di lakunas di rializason y di planu stratéjiku OMME.

Michael Heichman, rizidenti di Dorchester, menbru di Boston Education Justice Alliance, tistimunha a respetu di um diversidadi na lideransa distrital.

Edith Bazile, rizidenti di Hyde Park y difensora di idukason spesial, tistimunha en rilason a alfabetizason ikuitativu.

Sharon Hinton, rizidenti y difensora di Hyde Park tistimunha sobri vagas pa profesorís y kamaras na skolas.

Ted Loska, reizidenti na Dorchester y difensor tistimunha relativamenti a ikuidadi na oportunidadi atlétikus y artistikus pa alunus di BPS.

## ITEM DI ASON

Sr. Cardet-Hernandez pidi mas infurmasons sobri mididas di dizenpenhu ki ta bem ser uzadus pa Subsidiu di Asistensia Orientadu pa Skolas di Turnaround. Superitendenti fla me ta bai pidi jestor di subsidius y a direktor di Office of School and District Transformation Executive Mike Sabin ki ta bem dal sigimentu. Asistenti di Superitendenti di Stratéjia y Implementason di Dadus Monica Hogan detalha dispezas SIP pa Sr. Cardet-Hernandez. Sra. Hogan splika prusesu di lisitason pa revizon di seguransa skular di distritu, ki kaba pa ser atribuidu a Konselhu di skolas di Great City Schools. Foi sulisitadus tres kotason pa kontratu na um total inferior a 50.000 dólar. Sr. Cardet-Hernandez sujiri ki distritu involvi na um prusesu mas signifkativu a avansa. E fla me ka sa xinti a vontadi pa aprova es noti tábua di subsidius pa apruvason ku bazi na infurmasons furnesidus. E pidi ki fosi akresentadus infurmasons a furmuláriu di admison di subsidius, detalhadu a manera komu finansiamentu sta ta ser gastu, tal komu FTEs. Sr. Kuder oferese pa akresenta detalhis adisional a futuris pakotis di subsidius. Superitendi konkorda en ki staff furnesese infurmasons adisional sobri subsidius a Kumite pa ki keli avansa. Sra. Robinson fla ma um kontektu adisional ta bem ser, rejistadu a responsabilidadi fiskal di Kumité komu orgon direktivu di distriu Dr. Alkins papia sobri inpurtansia di kontrola a aseitason y rezultadus di subsidius a longu di prusesu. Menbrus di Kumité diskuti si es dibia adia apruvason di subsidius ku bazi na infurmasons furnesidus. Sr. Kude pidi a Kumité pa konsidera vutason ku bazi na infurmasons izistentis, ta splika ki adiamentu di vutason ta binha atrazaba jestoris di subsidius di furnesi prugramason na dos semanas ou mas. Sra. Robinson konkorda y inkuraja ikipa finansera a furnesi a Kumité infurmasons mas detalhadus sobri subsidius mas sedu, si pusivel .

**Aprovadu** - na xamada nominal, Kumité aprova subsidius pa apruvason na total di \$4,436,092. Sr. Cardet-Hernandez abstevi. Tudo otros membros vota sim.

(kuarta-fera, 12 di Otubru di 2022)

## RELATORIUS

**Rezultadus 2022 MCAS** - Direktor izekutivu Sénior Internu di Office of Data and Accountability Apryl Clarkson y Superintendenti adjuntu di Akadémikus Dra. Linda Chen aprezena rezultadus di MCAS 2022 di Skolas Publiku di Boston. Alunus di 3<sup>o</sup>-8<sup>o</sup> anu y 10<sup>o</sup> fazo MCAS na Primavera di 2022 na ELA, Matemátika y Siensia, primeru administrason kompletu di MCAS des di pandimia glubal di COVID-19 di 2020. Dividu a mudansa na administrason di MCAS na 2021, aprezentason li da enfazi a analizi di tendensia di tres anus entri 2019 y 2022, em ves di konsentra spesifikamenti na tendensia di um - anu entri 2021 y 2022.

Distaki di Dadus:

### Responsabilidadi

- Sinkuenta y sinku skolas permanesi pariba di 10% mas baxus di tudu skolas di stadu.
  - Tres skolas sai di 10% mas baxus di tudu skolas di stadu interu.
  - Kuatu skolas muda pa 10 porsentu di skolas di stadu interu.
  - Nu total, distritu tem 32 skolas na 10 porsentu di skolas di baxu di stadu interu. Di kes 32, 19 permanesi na baxu 10 porsentu di skolas na stadu interu; 4 skolas pasa pa baxu di 10 porsentu ; 5 skolas sta klasifikadu komu di baxu dizenpenhu króniku, sima dezignadu pa DESE; y 4 skolas ki foi fitxadu na SY21-22ki staba na baxu 10 porsentu di skolas na stadu interu.
- Vinti y seti skolas midjora ses persentajen di responsabilizason na 5 pontus ou mas.

### Anus 3<sup>o</sup>-8<sup>o</sup>

- Nuventa-oitu porsentu (98%) di alunus di BPS di anus 3<sup>o</sup>-8<sup>o</sup> fazi MCAS na Artis di Lingua Ingleza (ELA) y Matimátika.
- Vinti y novi porsentu (29%) di alunus di 3<sup>o</sup>-8<sup>o</sup> anu kunpri ou pasa spektativas, ki ta reprezenta um diminuison di 6 pontus persentual apartir di 2019 y di 2.3 pontus persentual a partir di 2021.
- Vinti y kuadru porsentu (24%) di alunus kunpri ou pasa spektativas, u ki ta reprezenta um diminuison di 9 pontus persentual a partir di 2019 y um aumentu di 4 pontus persentual apartir di 2021.

### Grau 10

- Nuventa-seis porsentu (96%) di alunus di BPS di 10 anu fazi MCAS na Artis di Lingua Ingleza (ELA) y Matimátika.
- Kuarenta y seti puresentu (47%) di alunus di 10<sup>o</sup> anu kunpri ou pasa spektativas na ELA y kuarenta porsentu(40%) di alunus kunpri ou pasa spektativas na matemátika.

Aprizentadoris furnesi ditalhis adisiunal sobri dizenpenhu di alunus pa prinsipal grupu di alunus.

Dr. Alkins pidi um repartison di diversidadi di korpu dusenti na skolas ki sta midjor na izami MCAS. Dr. Chen fla me ta bem tem akunpanhamentu di staff. Superintendenti Skular di Liseu Dr. Tanya Freeman Wisdom partilha stratéjias di distritu pa aumenta rezultadus y prepara alunus pa universidadi, karera y vida. Dr. Alkins papia sobri inpurtansia di finansiamentu adekuadu y di rekursus pa prugramas di idukason alternativu. Superintendenti Skipper fla ma, paralen di idukason alternativu, tem opurtunidades pa alarga prugramason pós-skular.

**Reunion rimotu di kumite Skular di Boston  
Zoom**

*(kuarta-fera, 12 di Otubru di 2022)*

Cardet-Hernandez pergunta modi ki finansiametu ESSER sta ta ser uzadupa apoia aselerason akadémiku. Dra. Chen fla ma BPS mesti di mas mididas fumativus ki ka e di altu risku, mas e ta informa profesorís sobri midjor forma di apoiases alunus y informa líderis distrital sobri tendencias. Sra. Clarkson splika modi ki Office of Data and Accountability ta uza avaliasons fumativus y sumativus. Superitendenti di Skola Primáriu Natalie Diaz-Ake partilha forma modi ki líderis distrital ta uza feramenta di observasob ikitativu di alfabetizason. Xefi di Skolas y Responsabilizason Drew Echelson papia sobri inpurtansia di tem um forti kultura di rezuluson di problemas na skolas.

Sra. Lopera papia sobri inpurtansia di pruporsiona a alunus rigor y e pergunta modi ki BPS sta ta apoia idukadoris na prestason di instruson diferensiadu. Dra. Chen partilha forma modi ki idukadoris ta oferese instruson diferensiadu.

Sr. Mehta spresa priokupason sobri dizenpenhu di English learners y di alunus ku difisiensia na MCAS.

Sr. Polanco Garcia papia sobri spriensia di se fidju ku tutoria na Quincy Schoo y inkuraja BPS a kontrata spesialistas di leitura adisional. Dra. Chen fla ma alguns spesialistas adisional foi kontratadus nes anu y sta ta trabadja na skolas di Transformason, djuntu ku treinadoris di alfabetizason ikitativu. E inkuraja famílias a tra partidu di Paper, plataforma di tutoria online gratuitu di distritu.

Sr. O'Neill deklara a rezultadus di MCAS um ruteiru inpurtanti pa orienta stratéjias di distritu pa rekuperason pandémiku.

Sra. Clarkson sklaresi pa Sr. Mehta ki alunus ta bem resebi ses rezultadus individual di MCAS pur via eletróniku na final di Outubru ou inísiu di Nuvenbru.

Sra. Robinson pergunta si distritu ta ajusta kurikulu em resposta a dadus di MCAS. Dr. Chen fla me ka oia so um kurikulu ki ta satisfazi munti nesetidadi di alunus di BPS y ta reprezenta a identidadi di nos alunus di BPS. E fla ma ikipas ta trabadja ku lideris di profesorís pa fazi mudifikasons na árias mas frakus di kurikulus ki e infurmadus pa rezultadus.

Sra. Robinson spresa se priokupason ku baxus rezultadus sientífikus di distritu. Dr. Chen fla ma e nesésáriu txeu tenpu pa tudu árias di kontiudu, y nau só matemátika y alfabetizason.

Dr. Alkins papia sobri inpurtansia di pruporsiona a alunus atividadis prátikus STEM y opurtunidades di stájiu. E pergunta modi ki investmentus di ESSER sta ta apoia aprendizajen di STEM. Superitendenti fla ma BPS debi ser intensional y trabadja ku parserus pa pruporsiona opurtunidades a alunus.

Sra. Robinson pergunta si distritu ta binha konsidera pruporsiona mas opurtunidades di rigor, sima matemátika Russu. Superitendenti fla ma sala di aula debi ser pensadu komu um continuum. Sra. Lopera fla ma BPS debi apoia profesorís pa satisfazi nesetidadi di aprendizajen di tudu alunus undi es sta.

Sr. Cardet-Hernandez inkuraja distritu a konsidera reduzi xkolha di avaliasons.

*(kuarta-fera, 12 di Otubru di 2022)*

Em resposta a um inkéritu di Sra. Robinson, Sra. Clarkson fla ma líderes skular resebi rezultadus di MCAS na Maiu pasadu, sigidus di um konjuntu di otus rezultadus sumárius. Dra. Chen fla ki, ora kes avansa, líderes distrital ta gostaba di odja ELA ta kria em termus di profisiensi di leitura di nível di klasifikaso.

***Office of Multilingual and Multicultural Education Strategic Plan*** - Dr. Linda Chen, Visi-Superintendenti Adjuntu di Akadémikus y Farah Assiraj, Visi-xefi Akadémiku y superintendenti adjuntu interinu di Office of Multilingual and Multicultural Education, apresenta um planu stratéjiku di tres anu pa Office of Multilingual and Multicultural Education (antigu Office of English Learners). Planu stratéjiku di melhoria (SIP) di BPS/DESE mesti ki BPS kria um Planu Stratéjiku pa Alunus Multilingis y apresenta a Kumité Skular ti miadus di Outubru.

Destakis di prezentason ta inklui:

- Idukason Bilingi komu objetivu prinsipal di planu stratejiku
- Um vizon jeral di implementason di programa bilingi di Idukason di alunus di Ingles
- Sinku prioridadis stratéjikus ku métricas, árias di ason, inpaktu y prósimus pasus.
  1. Spandi programas bilingis ki ta apoia alunus y ta permiti a ses Obtenson di Selu di Biliterasia di Stadu di Massachusetts;
  2. Garanti ki tudu alunus multilingi ku difisiensi (MLWD) resebi servisus y apoios adekuadus, inkluidu língua nativu;
  3. Midjora instruson y rezultadus através di prugaamason multilingi di alunus;
  4. Dizenvoli sistemas sentradus na alunus ku um lenti di ikuidadi ki ta garanti ki alunus multilingi tem servisus nesesárius y asesu a oportunitadid; y
  5. Fazi parserius ku jovens, famílias, kumunidades, OBC, y parserus idukativus pa aumenta oportunitadid di opson di programas pa fakuldadi y preparason pa karera.
- Rezumu di feedback di partis interesadus sobri Prujetu di planu (Agostu - Setenbru di 2022)

Dividu a adiamentu di ora Sra. Robinson sujiri ki menbrus manti ses perguntas brevis y kes sigi pur skritu ku kualker perguntas adisional kes pudesi tem.

Sr. Mehta pergunta sobri prusesu pa alunus obtem selu di bileterasia. Sra. Assiraj fla ma Selo di Biliterasia e jeridu pa Diretora di Linguas Mundial, ki ta stabelesu parserias ku skolas pa pruporsiona a alunus oportunitadid di demostra se dumíniu di língua tantu skritu komu oral.

Dr. Alkins y Sra. Lopera papia sobri valor di profesor bilingis y es pregunta sobri sforsus di distritu pa spandi kanal di diversidadi di profesor. Sra. Assiraj papia sobri dizafius relacionadus ku aumentu di diversidadi di profesor y sforsus di distritu pa desloka idukason bilingi pa sirbi midjor alunus multilingi ku nesesidadid spesial. E fla ma BPS sta ta involvi paraprofisional bilingis komu um stratéjia. Superintendenti fla ma tem munti oportunitadid pa rekruta y rete staff bilingi. Sra. Lopera fla ma staff di BPS a tudu nível ebi refleto diversidadi di korpu studentil di distritu. E Inkuraja distritu a apruveita spriensias y kunhesimentus di skolas di língua duplu y di programas bilingi.

**Reunion rimotu di kumite Skular di Boston  
Zoom**

*(kuarta-fera, 12 di Otubru di 2022)*

Sra. Polanco Garcia felisita ikipa OMME pa parseria ku líderes skularis y famílias pa dizenvolvi planu. E sujiri ki lideris skularis resebi furmason pa inkorpora stratéjias di apoiu a alunus multilingi. Sra. Polanco Garcia fazi munti perguntas sklaresedor, tudu es respondidus pa staff di distritu. Sra. Polanco Garcia rekumenda ki Task Force di Alunus di ingles supervisiona progresu di planu y munitoriza dadus.

Sr. O'Neill ilujia planu OMME, partikularmenti se enfazi na spanson di skolas di língua duplu ki debi ser implementadus di um manera ponderadu y intensional. E papia sobri inpurtansia di involvi kumunidade na inisiu di prusesu di ilaburason di pulitikas. E fla ki pa alkansa objetivus di kontratason deklaradus ta bem ser nesesáriu um sforsu konsentradu di distritu, dadu a skases di profesor is nasional.

Sra. Robinson pidi dadus sobri línguas faladus pa alunus di BPS y numeru di alunus EL a ser inxinadus pa profesor is nativus pa intendi midjor inpaktu di ensinu di língua nativu.

### KUMENTÁRIU PUBLIKU SOBRI RELATORIUS

John Mudd, rezidenti y defensor di Cambridge, tistimunha sobri inpurtansia di kolmata lakunas persistentis di rializason y di uza di manera konsistenti deklarasons di inpaktu di ikuidadi.

### NOVU NEGOSIU

Ninhun.

### ADIAMENTU

**Apruvadú-** Pa volta di 11:15 pm Kumite vota ku unanimidadi , pa xamada nominal adiamentu di runion.

Atestadu:



Elizabeth Sullivan  
Sikretária Izekutiva